

名媛詩話

名媛詩話卷十一

錢塘沈善寶湘佩著 受業完顏佛芸保校字

古歙汪雅安太宜人癸程禹和先生朗鼎室鎮北水

部葆母著有雅安書屋詩集四卷文集一卷學力宏

深詞旨簡遠且能闡發經史微奧集中多知人論世

經濟之言洵爲一代女宗太宜人早賦柏舟水部失

怙年纔十一幾幾孤苦親自教讀水部貴爲秋燈課

子圖徵詠以誌母訓水部與外子同譜而兼梓誼余

竟不知太宜人之才德未曾往謁今讀遺集嚮慕殊

切且媿見聞之隘也詩如已已暮春送江素英歸院
江云蘭閣交誼重似我兩人稀携手一爲別知心千
里違大江新漲滿之子暮春歸明日風帆遠茫茫對
夕暉江上云江上秋涼早孤舟俯聽客心流水遠
詩思暮雲停月色有時白峰痕無數青雁飛寒悄悄
忽漫過沙汀佳句如落葉云空山人跡絕古木歸櫟
悲夜雨云天空歸雁急人靜落花愁贈夫子云天理
全從虛處領人情須向實中求霜枝云花是烘開都
易謝病非藥誤總能瘳孫夫人云千載傷心望馬

一時失計返東吳

雅安書屋閨訓篇足與曹大家女誡並傳詩云男兒
希聖賢女亦貴自立禮義與廉恥四維毋缺一千秋
傳女宗在德不在色德厚才自正才華本經術無德
才曷取衾影先難質我謂三百篇多出婦人筆王化
起閭閻性情悉純一柏舟矢靡他之死身罔卹男忠
偕女節要各用其極人生順境少處順宜自識家範
森以嚴主饋修內則富貴戒驕奢貧賤弗抑鬱古人
樂天命無往不自得容貌肅端莊笑擷氣安輯長舌

維厲階多言不如默謹慎采藻蘋靜好御琴瑟舅姑
比父母孝養情汲汲曲折體慈懷乃能盡其力善處
骨肉間和氣生一室不幸失所天無言自悲泣生死
權重輕撫孤務先亟冰霜自苦辛敗絮行荆棘坤道
利永貞言動舉矜式循分事女紅固窮志不惑避嫌
嚴瓜李防微謹閨闕保始更慎終姓名香可挹教子
有義方父師皆母職一朝能顯揚芳烈歐陽匹常變
守此心綱常力能植女子賴師教考亭言足述蒙養
自少時定性嚴所習三從有定臬女戒恒慄慄熟讀

四子書義理都洞悉經史苟通萬卷盈胸臆偶爾
歌詠志無邪協詩律敦厚而溫柔樸雅去雕飾亦足
舒性真匪求名譽澁不則繕名言終身守勿失有女
養閨中莫使耽安逸施衿結褵時欲學嗟何及

雅安書屋文集中有聞蔚如從嫂曹孺人談兵記云
嫂爲人明大體性正直遇事有斷才最知兵法偶論
及皆與古人暗合孫子十三篇能一一得其甚解如
無恃其不來恃吾有以待之無恃其不攻恃吾有所
不可攻等語外此引証尤多不知其幼時何師所授

余之外不與人言故人皆無知之者嘗云良將用兵以積德擊積怨以積愛擊積憎何往不勝全兵先勝而後戰敗兵先戰而後求勝古之善用兵者必自廟戰運籌於廟堂之上而決勝千里之外善將者用民氣之實以制其虛實在民氣以待人之虛不善將者虛其民氣以待人之實所謂攻堅不如乘瑕也兵靜則固專一則威志決則勇氣疑則北力分則弱故能分人之兵疑人之心千人同心則得千人之力萬人異心則無一人之用吾聞堯言畢歎曰古人有言

強國戰兵霸國戰智王國戰義帝國戰德皇國戰無
爲其斯之謂與余謂曹孺人論兵之精當太宜人記
事之簡潔皆巾幗偉人也又有與兒婦夏玉珍言詩
云真州族母方靜雲著有誠堂集載一絕云閒吟風
雅繡餘時誰道詩非女子宜不解宣尼刪訂意二南
留得后妃詩作者自示所爲詩源三百言固不媿
也大抵詩寫規勸隱合思無邪一言乃不虛所作若
止吟風弄月摘藻求工而香奩脂粉氣流溢楮間填
性情者不可窺不但違三百篇之旨下筆先自覺無

味後人安得而珍重之近日閨詠甚多明此意者少
汝有天分若無學力於此三致意焉思過半矣子婦
夏玉珍廣陵人鎮北水部室亦解吟詠太宜人嘗示
以詩云羨煞神仙福地居張華博物有誰如姊妹二
字形從女閨閣如何不讀書玉珍和云紗幔相依侍
起居母才咸頌女相如繡餘頻荷金鍼度却恨今生
始讀書

雅安書屋詩集中附大弟婦陳孺人寄懷詩云終年
兩地感懷深想見登樓費苦吟詩稿羨君成卷帙米

鹽豉我誤光陰何時往事從頭說幾度遐思客足背

有子才如黃叔度雖然苦節也甘心原注黃春谷表叔翁齊孫甥文

學與已少時略同余按孺人爲汪近垣最室又載同

間之青地告慰也

邑江素英月娥詠梅四律錄一云超絕名山第一流

花開花落兩悠悠爲尋玉蕊來溪口欲折瓊枝寄隴

頭燭剪西窗陳別緒原注前夕雅安樽開東閣話離

愁吟成明月清風句字爽餘香十日留雅安太宜人

與素英同受詩於張爭因女史交誼頗篤素英至性

純孝工詩善畫能琴適皖江文學張某在室時母病

劇嘗割股利藥以進母歿自寫望雲圖誌慕著有餐
恭軒詩稿

澠池席怡珊

慧文

同知石同福室舉人峻華母有瑤

草珠華閣詩鈔怡珊工琴善畫尤精分隸性喜音律
隨宦晉杭課花書屋坐月云清光何皎潔三五月圓
變覓句渾忘倦披衣避薄寒笛聲來別院花影度
關久倚薰籠坐更籌數欲殘余在杭時共文酒之會
近聞歿於安慶深爲嗟歎

雷江邵素文

補

有雙清閣詩草大內出新荔分餉

原注

是日云珍果分來山倚方青絲籠透紫雲香海天結
經逾就封教密闕苑攜歸味更長自保丹心同護屈爲憐
素質飭精蘊當年一笑何堪憶今日恩沾請幄旁願
有唐人神韻

琴川邵琬章淵潤有話月樓詩集常熟趙汝玉元成
室鮑尊古女母病割股由是得疾歿僅二十九歲集
中詠魏武云一代奸雄霸業基女王自命世誰欺漫
誇震主威權盛已有旁觀司馬兒深得弦外之音

吳縣陸琇卿韻梅侍郎潘曾瑩室題自畫桃花折枝

云錦裊暈紅霞香風透碧紗曉粧猶未理和露寫桃
花余素愛清曉書畫每每不待粧竟先弄筆尋自謂
積習如此不料有相同者金鰲玉竦看荷花云柳陰
侵曉萬蟬聲隱約涼風拂袂輕我欲萬荷香裡住花
間惜少釣船橫皆人人意中之語拈出便佳

吳縣注佩之初蘭中翰潘曾綬室有睡香花室詩稿
曉起五平五仄體云水落野鳥散天高寒風鳴遠樹
日未出重樓山初晴塞外雁影亂江邊蘆花聲曉起
有靜趣憑闌新詩成扣體最難自然此作通首妥貼

甚不易也

番禺黃璵則采璵題睡香花室詩稿云爐煙輕裊暈
紗窗吟影珊珊伴玉釭千尺桃花潭上水清才應不
讓潘江亦頗雅切按璵卿爲侍御韓榮光室

吾鄉武鍊峰藍著有訊秋齋詩稿紅樓夢晚年懺
除綺語皈依佛教不復吟詠工六法得管仲姬神韻
與殘夢老人至戚爲余言之最悉余見其題自畫墨
牡丹贈殘夢老人絕句云同是龍華會上來三生如
夢費疑猜問君可憶瑤臺否十丈青蓮手自栽墨痕

聊寫一枝妍
禿筆顏唐已遜前
不向胭脂借顏色
清華應許共瑤天

余表戚仁和李石橋鼎孝廉云幼時受業於同里魯小蓮先生師母鄭夫人工吟詠生三女而無子夫婦與女相繼早故遺稿失散僅憶其一聯云祐急敲回千里夢月明籠出滿庭秋

陽湖惲岫雲湘爲珍浦太夫人女姪工詩善畫棄家學也數年前磨於孟繼處知其孤苦之狀頗爲扼腕癸卯夏來訪始得詳悉蓋岫雲失所天後卽自經爲

家人救免後二年翁姑相繼棄世側生小叔僅四五
齡岫雲有庶出女亦數齡兩姬他適岫雲孑然一身
撫養幼稚經理喪葬爲外立嗣自著行述翁本靈石
巨族宦於淮揚歿後遠近親族無人過問岫雲間關
數千里送五柩至靈石卜兆而族中貧不安業者需
索多端岫雲不堪其擾復攜孤弱至郡延師課讀家
雖溫飽而刀尺并白猶親操馮勤儉如此尤屬難得
惟傷離成逝悵鬱悲愁筆墨漸廢爲可惜耳余謂岫
雲一嫠婦爲丈夫所不能爲之事處人世極難堪之

名媛詩歸 卷十一
境殊可敬憫以初度感懷十章見示錄二云春夢秋
雲五十過平生鎖骨儘消磨化人城內難休息何日
逍遙脫網羅黃鵠孤飛已十年茫茫恨海幾時填孤
兒幼弱慈親遠淚灑燕雲祇自憐岫雲爲孝廉方正
秉怡女同知何林室

宛平黃美心女琴員外炳奎女觀察劉師陸繼室有
南濱偶存稿書雅雨堂重刊金石錄序後引云李易
安作金石錄跋貽年已五十有二 國朝雅雨廬公
重梓是書序中決其必無更嫁事謂是好事者爲之

殆造謗如碧璽服之類數百年覆盆遂得昭雪自是
易安可免被惡聲矣詩以詠之云李姓本清門趙亦
天族裔淹通敵儒冠文采茂脩類詎踰就木年而違
汎舟誓金爲口所鑠葵竟足不衛卓哉都轉公一語
抉蒙翳披雲始見天滿雪洵快事詞憐漱玉新圖愛
打馬慧曠代有知已九原當破涕

漂陽狄烈婦王恭人

甥桐

爲狄侍御

聽

室侍御於道

光十九年己亥七月病故烈婦已矢志捐軀其孤子
又於八月天逝烈婦卽於九月廿五夜自經留書二

封一與諸年世誼一與嗣子處分後事藏悉畢脩書

後附詩二句云我是歸家去人休作烈看

按此二句乃錢塘曾

如蘭節婦臨終所作

余讀之心骨皆悲人能視死如歸神明不

亂有如此者真所謂從容就義令人起敬余聞孟緹

云烈婦工詩嘗賦七古祝婉紉壽歿後惜遺稿不存

上元梅竹卿

碧蘭

知縣丁日健室孝廉方正憲鍾母

人甚秀雅聞名相契遲至癸卯春初始得握手未幾

隨任赴閩臨行出其姊看雲子看雲閣詩并自序囑

余採入詩話詩如寄竹卿云雲暗山坡境渺茫子規

聲裏轉心傷官貧莫脩三冬粟歸好難期十畝桑雁
序遙分天外影蟬絲新點鏡中霜關心最是覓年少
跋涉頻年學業荒看雲子自序中有蕉牕日午每疊
韻以消閒迹漏風荷應同聲而唱和更有盤絲嬌女
在掌明珠慧弄豔九艷裁花骨曉妝靈畔擁髻微吟
刺繡牀前傳針黹搆三秋未半百律皆成乃撚離青
之管細檢瑜瑕同披虛白之篇豈煩梨棗云云詩文
清麗惜遠宦黔州無從把晤且看雲子爲孝廉冲雙
郎中曾亮妹縣尉朱某室

韓城師素卿

蕙芳

觀察彥公女主事祖瓊林室余出

素安而識著有繡餘吟一卷雅韻欲流咏蝶云綠草

成茵接畫檐銖衣弄影態纖纖妝臺剩有殘花片柳

住春風不捲簾蠟梅云望梅已動人情幻嚼蠟曾將

世味捐水仙云翠羽乍驚春有信玉人偏愛水爲家

素卿又出其姊香國

蕙芳

龔尹范澗室翰林承典母

採芝吟遺草華情鬱惋秋燈課子云燈殘停繡課遺

經不覺深閨月影橫爲語孤兒須努力可知慈母是

先生寄素卿妹云幾行錦字憑誰寄半載相思各自

知病中自挽云了却人間煩惱債他生記取莫重來
可謂懸壺手解脫前因矣

順天陳秀君夫人

翠翹

尚書祖之望室著有佇月軒

詩草夫人爲素卿繼姑詩存不多殊有逸韻復遊赤壁云青山綠舫小春天泊近江樓月正圓從此畫圖添故事兩番赤壁寫姬媼長孫女浦城祖潤香湘雲知州李宗漢室素卿女詠菊云一歲韶光去已除尙留餘艷到黃花一籬瘦影秋容淡三徑微霜逸韻嘉傲骨亭亭開斐几幽香隱隱大牕紗閒摘樽酒遙相

對滿眼寒英洵足誇次孫女湘雲江行云雨霽鳩呼
急天高鷗遠飛桃花千尺水都爲鱖魚肥紫菊云小
橋流水碧琅玕隔斷紅塵欲見難一自山人初賜紫
秋風不作等閒看詩俱新俊秉家學也

江蘺張靜芝

德凝

縣丞朱錫慶室姊妹數人皆工吟

詠靜芝春日偶成云多情燕子語窗紗繡幙低垂靜
不譁消受春光閒處好一杯新茗一瓶花妹淑雲
妍和云春光又值柳如絲遣悶惟憑一卷詩昨夜東
風吹正好今朝紅上海棠枝妹靜蘭

德瑞

字佩雯有

翠梧吟草夜坐云沉沉簾幙褰煙斜玉漏無聲靜不
譁皓明似憐人寂寞漸移梅影上窗紗妹廉浦德珠
字子珍縣丞蔡鵠業室有問芳華詩鈔題百花圖卷
云百種名花頃刻裁詩人應自費疑猜拈毫似有參
差舞展卷猶疑爛漫開爲愛閨中真妙手始知畫裏
有仙才風前試把珠簾捲蜂蝶翩翩悞往來靜芝姊
妹爲素卿女甥故皆風雅

湘南張蘭芬

聲瑒

有古香室詩稿筆致清新丰神搖

曳壬寅春間隨宦入都余得晤於楚北陳仙九敦蕙

席上言談半晌傾倒平生時已定期南返留詩誌別
余亦依韻和之忽忽三年頗縈離索甲辰小春從滇
中寄書來文情備至並告令子去秋獲售鄉闈第一
令人爲之色喜惟歎仙九早逝不能同讀此書爲恨
耳札後附寄懷詩二律云池塘春夢幾相催驛使新
逢且寄梅萬里鴻泥盟早訂三秋魚簡媿初裁蓬根
莫定長途輟竹葉頻浮小歲杯爲語 皇都諸姊妹
滇中冷宦等蒿萊憶昔京華袂影分詩筒歸路瓣香
轉原注滇行婦曾爲詩
贈別令人百讀不厭衣冠優孟應嗤世硯席知交

獨數君北望蘆溝懷曉月西踰黔嶺悵層雲何時得

意重攜手近坐紗幮聽論文

蕭芬爲宣威州知州
余崇本望孝廉贈母

陳仙九敦蕙

秋門給諫光亨女勛慧給諫不甚教之

而泛覽書籍輒通其義尤好讀史上下古今其識見

不類巾幗貌豐碩亦不似短折者年二十八病竟不

起仙九不甚作詩而有思致七夕云一鉤新月掛黃

昏遙望銀河拜禱繁造物自來能忌巧女兒何必乞

天孫又春日卽景云柳舒鶯忽至簾捲燕初飛秋夕

云晚風高度雁夜雨晴侵蛩仙九爲助教劉體瑩室

會稽莫慙芳寶璫。尚書幼女方獻廷。比部傳種室見
其新。柳四章旒旆清新詩。云落梅風送過江春。和雨
和烟綠未勻。暗擲黃金爲贈別。纔開青眼便宜人。榮
回水驛愁千縷。點綴郵亭景一新。送客往來憔悴甚。
輪君不改舊丰神。江天極望渺愁余。幾樹青青照眼
初。遊子羈魂何日定。美人愁態未全舒。春波繪出三
分影。新月窺來一抹疏。不管歡娛管離別。情根種就
待何如。美人生小更纏綿。綠髮參參半覆肩。花月
明初照影。楚宮腰細不成眠。爲愁弱質難勝別。只恐

風多欲化烟對酒緩歌金縷曲同心緒就恰芳年陶
家門巷久荒蕪一夜東風綠幾株楚楚身輕難繫馬
疎疎蔭薄未蔽烏煙來淺水春疑夢照到斜陽淡欲
無好待幾番眠起後爲卿翻作十眉圖蕙芳早世未
見全集

古胸湯紫筠

清玉

一字藍英仁山諸生國泰女生時

父夢神嫺贈美玉一枚入手甚重欲墮女生卽以命
指並歲能誦讀十四工吟詠經史諸子過目不忘十
七患脇痛三載而卒年才二十耳歿之前一夕父於

旅館夢紫筠於海外神山領衆仙女唱答松竹間而
女訃至後降乩於沐陽云我今到沐陽無親亦無故
但得同鄉人問母兼問父紫筠性極孝友詩筆真摯
言近旨遠天籟自鳴曇花一現殊可惜也節烈吟序
云道光七年秋余隨家大人移居牛山東南麓紫竹
村村中族姪九明之女名煥姑者適李氏三年而其
夫卒女於葬後三月圓墳歸遂自縊其事其人足堪
千古作節烈吟以哀之云胸西有鎮名橫溝嶺四松
柏如龍虬中有鸞鴛墳一邱終年鳥雀啼啾啾烈婦

之父吾宗好烈婦之家李氏室嘉慶丁丑年念一屆
夫三年夫病卒身入大棺願難必願難必安心懽
願同穴死不願生雖主非無高中鏡影不照孤鳳非
無匣中琴瑟誰聽斷腸妾幼如閨訓從一不敢忘安
知生人樂惟恨死名香在名香終何益明知無益死
不惜耶葬三日妾落魄沿我金石身誓我嫁時帛開
我舊時箱篋我嫁時帛篋誰向堂拜從容挂牀壁十
洲三島間芳魂一線碧已卯臘月念六夕皇天黯
慘情迫李審村鄰羽狀耶名何李豔善烈婦誰煥姑

顯我來孫文恨未逢作銘筆淚空同錯我願千秋萬
世閨中媛見我此詩激勸勉古劍云入匣全吾仁川
匪見吾烈秋水色無情恩怨有分別湖上云雲去失
山青雲來壓水黑可惜去來雲變却山水色晚庭花
下云無烟花不嬌無月花不美日落烟籠花月來花
浸水嘆牛云朝耕隴上雲耕原上月稼好入共誇
牛苦人不說秋夕云黃菊花開淡裏香坐驚斜照下
西牆閒攜弟妹吟新句喜看爺娘補舊裳風擺松溥
常訂雨月歸離落錯疑霜天光仰視清如洗只覺雲

歸起夕涼

暮江陳幕青蘊漣
漣嬖尹左晨室有信芳閣詩草集中
條作頗多如蘭山道中放歌云長空蒼蒼野茫茫兩
旁亂石如牛羊車聲磷磷石上過電掣雷轟半空墮
車輿脫輓愁須臾踟促幾撲轅下駟馬瘡僕瘡色沮
喪百步九折向空上忽然一躍如飛梭轉瞬已下千
丈坡又如忽挾王良策人馬去天不盈尺又如亞夫
將軍降自天仰視千仞心茫然此時未免心如搗此
際咸愁不自保平安辛苦我深嘗此險真如上天行

雲青青兮日將暮眼前忽得康莊路白河沒踝水波

平穩渡巾車馬不驚

原注是日過沂州

心折骨驚疲瘁如

何轉又戀山麓時時回首望雲林齊魯山餘未了青
險中得樂聊自快指日歸帆淮海挂履危涉險之狀
能一一寫出可謂筆補造化矣七絕如倚闌云枝頭
紅豆已含丹無那離懷悄倚闌生小不知門外路夢
魂何處覓長安七律如春日漫興云韶光最好惟三
月半是清明半是陰花影上階知日午苔痕滿砌堪
春深茶浮雀舌新攜鼎篝煮貓頭乍出林細玩物華

堪寄興援琴幾疊譜閒吟題姜如農給諫硯原註背
塢宣州

老兵四字云勝國當年事盡非扯鱗邊計履危機但令

聖主金湯固何惜孤臣血月飛間帥生辜關內祭老
兵死戀故亭薇研田以外無餘地想見摩挲淚滿衣
秋蟬云何事枝頭訴恨頻桐陰百尺足容身生無求
世如高士秋有餘音愧諫臣露重伶俜棲未穩風多
搖曳聽難真行當補入維摩畫添箇柴門倚杖人慕
青詩書畫皆臻神妙史學甚深伉儷情篤隱津門
丙午春來都過訪唱和頗歡惜匆匆別去耳

漢軍程孟梅麟見亭河帥慶繼室有紅薇閣詩草夫
人爲憚珍浦太夫人長婦賢孝多才太夫人輯蘭閨
寶錄正始集諸書夫人率諸女勵勦讎校搜羅無闕
葢風雅性成也詩筆亦溫厚和平稿存甚少集中如
孝烈將軍祠原注將軍諱木蘭姓魏隋時人祠在河南商邱縣營郭鎮卽將軍故里云
河水濺濺遠近聞崇祠人重女將軍脫裝獨許生全
父仗劍選將死報君環珮歸來隋代月旌旗捲盡宋
邱雲西川更有黃宗嘏千古高標武與文題翁繡君
女史羣芳再會圖云十尺輕綃綃彩霞枝枝葉葉闌

芳華漫勞月姊重開鏡又見天仙妙散花前度繁香

仍荏苒這番新樣更橫斜披圖猶記君姑說此是南

宗一大家

原註夫人曾以前畫百花圖卷就正先姑

長女完顏錦齊

妙蓮保

同知來秀室著有賜綺閣詩草克傳家學能畫工詩

丁酉二月赴選蒙特賜紅綢二卷翠花二對恭紀

云燈引香車達紫闥順貞門外響璘璘兒家也有朝

天日喜值中和二月春階前鵲立靜無譁日上觚

稜煥早霞獨荷龍光傳賜綺又聞鳳旨錫簪花

妹華香

佛芸保

年十一能寫山水工吟詠善琴奕著

有清韻軒詩稿春夜云一曲絲桐歇春深夜不寒小
階清似水花影上闌干白梅云玉骨冰肌實可誇暗
香一縷透窗紗寒梅自有清高格不比尋常桃李花
自畫山水小幅云一川楊柳迎風舞千樹桃花冒雨
開偶向小窗閒點染滿天春色筆端來和璞山兄種
竹韻云館號小琅玕窗前竹數竿移來陰瑣碎種處
翠團團月上疎疎影風吹淡淡寒新篁纔解籜指日
出檐端晚晴云一雨花皆潤新晴景最芳檐牙仍滴
溜屋角又斜陽碧染梧桐影紅浮茜茜香偶然游覽

處吟興引偏長丙午四月朔憚岫巖招余游半畝園
看花得與華香把晤年纔十五止屬風雅賢淑可親
出清韻軒詩稿山水小幅見示詩旣娟秀畫亦清腴
家學能承閨中罕遇余以癸卯夢中所作楊柳四圍
山一抹桃花紅到竹籬邊詩意囑作小幅翌日寄來
瀟灑可愛余賦五古報謝華亭遂來問字焉告余曰
母夫人有侍兒甘泉龔綺如者能作小詩桂花結句
云莫怪長吟秋露裡飛瓊本是月中仙纖妍可喜
羅田潘伴霞

煥嫻

知縣煥龍姊諸生郭時潤室有漱

芳閣詩草游仙詩云女向機中勤織錦耶於河畔日
牽牛人無一事都堪惜便作神仙豈自由頻染紅塵
集髮根人閒游戲幾朝昏紫蘭宮返頭思洗去借明
星玉女盆萬樹仙桃結實稠園中金鎖付予收昨宵
阿母殷勤屬莫遣東方得再偷吐飯成蜂驚抱撲唾
盤爲獺說樊姑漫將狡獪矜奇術我亦能拋米作珠
妹綺青典榮號仲華有韻芳閣吟稿夏日書懷云妝
臺塵事少把卷靜焚香睡穩知宵短身閒覺晝長殘
紅花亂舞濃綠鳥深藏雲樹迷離隔何由辨故鄉妹

幼暉煥吉

月夜憶兄四梅云久與吾兄別迢迢客帝

京遙知今夜月定起故鄉情道遠書難寄心堅事竟

成時兄舉

何時還故里笑語一堂盈嫂氏鄭蓮卿翠

蓉性至孝曾刲股療翁疾惜不永年寄外四梅都門

云離愁萬斛不堪論千里尋君有夢魂聽說薊門風

雪冷客中還要自溫存綽有深情歸安楊琴珊清材

貢生知新女觀察炳堃妹知縣潘煥龍繼室有碧筠

樓草共外茶話云自賦天桃共倡隨喜君循吏克攀

追好官畢竟民心愜仕路何妨驥足遲遲有升沉都

是命身爲父母總宜蕊爐香退食呼童熱小坐烹茶
論古詩琴瑯與綺青幼暉吟詠無虛日刊有官閣聯
吟殊韻事也

會稽宗壽香梅

梅

字古雪知縣稼秋先生霽女滌樓給

諫稷辰妹知縣王慶齡室參軍時敏母有六竹居詩
草壽香性極素在室時父疾刲股以進于歸別母卽
持長齋誓不見母不苟輩也逾二十七年省母都門
始奉命開齋子婦穆君本姪女締姻穆君賢孝多才
姑婦尤相得乙巳春隨宦湖南卒於旅次壽香慟悲

逾恒有十年兩度傷心淚哭女何如哭婦悲之句蓋
壽香長女芝馨秀慧能文年十八而夭余乙巳冬日
與壽香把酒論詩喜得良友見其集中如新月云素
娥新山貌掩映照池塘不識清輝影心疑月有雙母
王太宜人博通經史年近八旬猶日手一編登堂拜
母頗承刮目也壽香有從姊秋丹桂游擊史鵬室著
有秋爽亭詩鈔秋丹早寡而貧吟詠不輟冬日偶成
云畏冷每常高卧愛閒懶學塗鴉爐火守如丹竈殷
勤自煮芽茶妝罷焚香小閣幽窗寂寂陰晴不解夕

陽何處但聞日夕雞鳴

思陵安眉仲

明

詠鳳仙花云秋花此最艷紅白相與

鮮飛來鳳兮鳳留住仙乎仙頗新穎眉仲爲侍御詩
妹

乙巳春仲許聽樵孝廉復攜鄭佩香作見示如西湖
詠古翠微亭云壯士衣冠真社稷美人桴鼓亦英雄
孤山云亭餘放鶴仙禽杳香度寒梅老樹深姑蘇曲
云秋風吹梧落金井姑蘇臺上秋風冷銅龍咽寒更
漏長隔簾錦瑟調未央柳枝淒涼歌一曲吳王宮中

秋草綠美人已去遠山低惟有城頭烏夜啼諸作皆得唐賢三昧頗有進境殊可喜也

吾鄉江竹斐

愷

爲虛白老人女姪鄉容閭少尉在衡

室有研香堂詩鈔善於論古蓋承虛白老人緒論也讀毛詩云明星皎月感懷生一事睽中怨排成底事未聆琴瑟奏關雎夫婦最和平王姬下嫁出天家雍肅爭迎貴主車挾貴不驕家法美詩人特地賦穠華報李投桃事往還木瓜一賦美齊桓如何霸主招攜禮靜女城隅一刳看清風亮節生淇竹河水淪漣賦

伐檀欲與伶工試勾剔最宜譜入古琴彈

海甯朱蓮卿

淑筠

諸生查冬榮室妹菊卿

淑儀

俱工

吟詠後歸查爲妯娌蓮卿哭歸佩珊云人本如花弱
詩真似水清恰切其人此夕云蕉窗秋似水小坐夜
眠遲曲院花雙影新涼月一眉挑燈方倦繡倚榻自
吟詩此夕愁多少階前落葉知菊卿早寡歲闌云歲
闌窮未送忍凍讀連珠琢句如梅瘦彈琴伴月孤墨
凝冰入硯炊斷雪封厨添縫勞閨詠寒消九九圖以
姊妹而爲宛若既可盡友于之樂又得朝夕唱酬誠

閨中幸事也

金壇子綺如

曉霞

有小瓊華仙館詩稿金小覺文淵

室仇儷合集名玉蓮環草綺如筆政作妙歸大庾嶺

作云山徑路縈迴憑高眼界開梅花應識我今日又

歸來納涼和荳若妹云待月坐松風銀河迴碧空鳴

琴道懷抱涼超七絃中佳句如春柳云三月離情春

裊娜六橋烟雨影溟濛冬日晚眺云尋巢東雀歸林

早釀雪寒雲出岫遲唐山望雪云千山曉樹遠難辨

一片白雲凝不飛西冷放舟至孤山云乍過楊柳佳

人墓來訪梅花處士家

次女牋霞

友愉

性頗敏給喜弄筆墨與侍兒爭鴻晨

夕執卷伊唔研誦余授以唐宋律絕稍稍指授未嘗
賢責也不數年皆能成小詩天籟自鳴亦可喜也牋
霞年十二春日云唐詩讀罷揀香焚晉帖初臨王右
軍一山闌干雙燕子梨花庭院雨紛紛龍樹寺秋望
云新霜初染樹陰稀遙望西山露翠微一陣秋風涼
意重蘆花如雪滿天飛爭鴻春日云小桃開後杏花
肥滿地榆錢春欲歸捲起珠簾看燕子柳陰深處一

雙飛游涵碧草堂云平橋依碧水老樹倚紅亭獨上
平臺望西山不斷青箏鴻山東安邱人年十八歸家
嘯珊仲兄爲筵室

幼女紫薇性明慧貌端麗不苟言笑生數月母病失
乳日就柴瘠失恃後祖慈王太恭人朝夕哺之得延
喘息余于歸時見其目翳神憔悴奄奄欲絕急爲調治
始痊體日豐腴稍長依依左右絕憐愛之余偶出或
遇風雨或歸稍暮則思慮萬狀嬌聒祖慈遣人逆焉
甲辰春舉家患喀女獨重余晝夜撫視女知不安每

以詭詞相慰是歲臘八日忽嘔吐身熱三日後眉際
現黑泡一片醫云此逆痘十日症也百藥罔效殤於
十七日巳時七年翼復一旦珠沉豈不痛哉女雖入
齡而至性純篤侍祖慈寒暄察臧獲勤惰不異成人
倘天使永年必有可稱余悲不能已復哭以詩云憶
我于歸日見爾於襁褓氣息已奄奄形容復枯槁聞
此呱呱聲祇覺心如搗藥臼與鍼砭漸使沉疴杳稍
長性溫柔膝下斑衣繞鞠育賴重慈關心問寒煖轉
瞬已入齡丰神日美好秀髮映眉長圓頤如雪皎隨

姊誦詩書愛姪分梨聚依戀逾所生純孝出懷抱憐
爾至性真痛爾天折早三尺築孤墳更悲招遠道月
黑楓林清誰慰羈魂小紫薇與姊牋霞皆前室章恭
人山

梁煥泰小香貞女

謙芝

一字孝芽巡檢熙成妹諸生

顧德培第四子廷鏞聘室秋夜吟云寒蛩唧唧鳴疎
籬西風如水侵簾衣銀河耿耿波欲墮孤雁繞樓旋
復飛疎燈如豆人靜靜攤書不覺羅衣冷誰家玉笛
吹青霜一庭殘月秋花影示志云七歲隨兄讀古書

也知駒隙重三餘人生富貴浮雲等心志終須似玉
琤繡閣簾開竹影寒低徊自閒倚闌干石何貞白泉
何潔願把余心一例看貞女侍母來都耳余名屢欲
過訪不果聞於丙午夏南旋矣錄此以誌神交

余賦命不辰椿萱早背于歸時見姑太恭人已逾
古稀克勤克儉躬親操作近年筋力稍不如前神明
亦覺漸減讀蘇州江銘玉堂上視膳詩有明知溫清
時時缺隱懼春秋漸漸高不禁怵怵心動淚爲之墮
余自壬寅春送李太夫人回里是夏溫潤清又隨宦

出都傷離惜別抑鬱無聊遂假閑秀詩文各集并諸
閨友投贈之作編爲詩話於丙午冬落成十一卷復
輯題壁方外凡仙朝鮮諸作爲末卷共成十二卷墨
磨者刻聊逍羈愁劍氣珠光奉揚貞德詎敢論文乎

名媛詩話卷十二

錢塘沈善寶湘佩著

受業完顏佛芸保校字

陳坤維不知何許人丁巳閏重陽厨下乏米檢元人
百家詩付賣以供餽粥手不忍釋因賦一律云典及
琴書事可知又從架上檢元詩先人手澤飄零盡世
族生涯落魄悲此去雞林求易得他年鄴架借應廛
亦知長別無由見珍重寒窗伴我時後有太原辛
嬋僑寓吳門以藏書出僞題詩書頁云蕭然四壁掩
柴門典及牙籤淚暗吞猶喜未經池墨澆可知曾

碗茶痕頻年伴我真同命此後思君合斷魂真箇雲
烟輕過眼幾番惜別不堪論陳雲伯大令廉知爲舊
家寒女重酬其值復訪明歸之

正始集末卷載五色蝶詩五章不知作者姓氏余讀
歸佩珊全集始知佩珊所作細膩熨貼工麗非常詩
云青陽初轉兒來稀忽訝林間一葉飛拾翠暗翻游
女袖采藍新染侍兒衣春暝花細銜鬚瘦瑣闥苔深
側翅肥香徑未迷河畔草尋芳時見柳梢歸黃金散
盡菜花稀猶傍芳畦貼貼飛村裏來時分菜色枝頭

稍去誤金衣穿從香徑魂俱定舞入秋林體不肥勝
似蜜房諸伴侶經營花事不曾歸赤闌干外見依稀
誰剪明霞片片飛階藥枝頭酣曉夢火榴花底燄侵
衣自饒香豔胭脂溼不愛青酸梅子肥一抹紅妝芳
草路夕陽影裏逐塵歸白粉牆邊風信稀趁晴時見
一痕飛亂飄柳絮難尋迹細舞梨花不觸衣夢裏仙
姝全縞素眼前公子笑輕肥南園草綠香塵暖執扇
頻搖晚未歸黑甜鄉裏世情稀栩栩誰教兩翅飛入
夢爭看園是漆探花偏仗鐵爲衣沙隄影拂烏紗貴

妝閣香憐鴉髻肥欲繼元嬰親澹墨爲君寫照早言歸

題壁詩佳者絕少惟陸娟津門題旗亭壁一絕頗清
婉詩云津亭楊柳碧粼粼人立東風酒半酣萬點落
花舟一葉載將春色過江南吾鄉女子邯鄲客舍題
壁云獨坐幽齋夜氣清可堪風雨作秋聲與釵沾酒
偕君醉揀史燒燈快我評事業到頭都未是英雄當
下只爭名自慚弱質非男子閨閣沈埋負此生英雄
句七字千古

又有廣東海陽趙璣和嫂題壁韻云去國竟成千古恨抱琴應共九泉歸維揚賈芷予南沙河題壁云如弓明月初三夜似箭春風十五年心傷去國三千里命薄隨人十萬錢皆極哀怨不能多讀

方外詩人亦不數觀國初有上鹽神一再生諸輩皆出名門上鹽字蕊仙號佛眉長洲人著有香谷焚餘草佛眉新舊詩蕊仙俗姓吳名琪適諸生管勳能文章精繪事尤好韜畧管生死遭家難遂爲尼募錢塘山水乃與方外友周羽步爲六橋三竺之遊西泠諸

閨媛爭欲識之周羽步贈句有嶺上白雲朝入畫樓
前紅燭夜談詩其豪情逸致亦可想見感懷云煮鶴
焚琴事已除不堪回首數年華愁來有句留殘葉夢
去無人問落花鳥惜晚香鏡鏡檻婢憐新病鎖窗紗
柳枝剩有蘇臺曲未審春風憶若耶

神一字美南號龍隱華亭人著有龍隱遺草龍隱本
前明考功郎中夏允彝女初名淑吉適嘉定侯洵年
廿一而寡撫周歲孤孀後祝髮爲尼明亡其翁之兄
嗣曾及子演潔殉難允彝亦自沉宅第俱爲瓦礫先

是龍隱避兵結廬曹谿龍江間兩家奔命賴以棲止
已而其翁岐曾復以株連被逮母龔赴水死龍隱皆
艤舟潛往收其屍昇置祖塋旁葬之孤嫠才而天龍
隱歎曰吾數年三百六十骨節交付太虛更無繫戀
矣至康熙壬寅卒表妹盛蘊貞爲立傳憶王葍舊游
寄再生云人生聚散本浮漚回首蒼茫感昔游曉露
未收花力重午陰欲定鳥聲幽聞香小坐忘塵世步
月清言掃舊愁梅影橫斜應似畫殘英滿地倩誰收
深得靜中之景

再生字靈修長洲人有再生遺草靈修姓姚名嬌俞
工書能文適嘉定侯演演從父峒曾殉難遂依神一
於曹谿祝髮爲尼仲春望日大人山中言旋卽寫別
懷云白雲天半和愁低無限情懷怨曙雞烟柳河橋
殘月小疎鐘古寺曉風淒百年幻影花枝老廿載浮
生草路迷一葦江頭如可折竺乾西去待相攜

靜維號寄竺道人華亭人著有寄竺遺稿靜維姓盛
名蘊貞字嘉定侯峒曾三子澣未嫁而澣以亡命死
靜維著懷湘賦見志卒歸上谷本爲神一表妹旋斷

髮禮神一爲師與侯演室姚侯潔室龍同止曹谿所
謂東園歲寒亭也贈聖幘師云自是閨中秀超然遠
物華心能同水月骨自帶烟霞翠長真如竹黃開般
若花寄言劉鐵磨應識趙州茶詩頗超脫

妙蘊長洲人著曇花軒草妙蘊姓范適李峙岩年餘
李卒乃祝髮詩溪般若菴爲尼年八十餘無疾而化
招提曉坐云夜雨洗山巖朝來翠獨涇趺坐學觀空
清風滿香檳正因字本無而我好翰墨心卽等死灰
未了人間孽窗竹皆虛心庭松多勁節體此長青樹

原不在虛實何况鐘魚間梵理更無得坐久聞妙香
慈航如可接

智生錢塘人姓黃名竣顧和知女孫幼不茹葷禮佛
甚虔尋得廢疾祝髮空門年十三從客坐脫異香滿
室茶毘後得舍利子二十四巷衆建塔藏之詠雪云
霏霏玉屑點窗紗碎碎瓊珂響翠華乍可庭前吟柳
絮不知何處認梅花

維極仁和人著有詩文語錄順治丙戌應聘開戒說
法戒律精嚴間作詩詞微言清雋一時名宿推爲建

臺上品題蓮花云幻出是毫間休作愛蓮說花葉不
沾塵從今莫饒舌圓寂後其徒超越爲幘語錄行世
超越爲郡丞林杞女通翰墨能繼法余按雄聖菴在
杭城北橋地極幽僻現在主持名世鳳稍解文墨年
少苦修亦可敬也

智圓常熟人字湛然俗姓殷弔彭娥原註娥南通州人夫貧甚命彭
鶚乳以活彭云乍可飢寒死彭娥苦節貞將雛憐燕
羽逐婦怨鳩聲智以窮愁短身因激烈輕寸膚如可
鶚涇渭不分明此事此詩俱足千古

靜諾仁和人俗姓林嘗卓錫河渚結茅爲廬每至萬
樹梅花千灣荻雪自謂此中有真悟處春宵卽事云
野藤花氣暗隨風狼藉春光大半空斜向石闌頻徙
倚一庭明月有無中

明修字東僊常熟人著有鑒雲留跡並語錄等書東
悟姓高生而胎素長入維摩寺爲尼開戒說法歷朝
峨嵋普陀五臺諸名山示衆云人因有執機皆墜物
爲無情道盡通此聯閱歷語亦悟後語

德隱字子惠吳縣人著有侶雲居遺草子惠姓趙名

昭祖母陸卿子母文俶皆能詩善畫一門風雅子惠
適馬氏遭難破家遂入空門結庵洞庭西山中香林
匿影二十餘年乃終新秋晚眺云山中多晚涼清風
厲秋節遙瞻四五峰壁立皆奇絕修竹傍林閒喬松
倚巖列黃菊散芳叢清泉凝白雪對此懷素心千里
共明月願保幽貞姿歲寒雙皎潔詩筆蕭疎超超元
籒

又有宛仙者長洲人姓石許字某氏子貧而喪檢因
祝髮洞庭東山爲尼寫懷云野鶴去時人少伴麝雲

起處壁添峰頗有畫理

悟情字石蓮丹徒人俗姓翁幼孤無依隨姊入都姊
爲和尚書琬侍妾和姒殉石蓮南歸主駱佩香女
史家佩香歿石蓮祝髮爲尼感懷云蒼茫回首萬緣
空漫說平生塞與通眼見公侯興敗易命憐姊妹死
生同只留此日袈裟在不見當年羅綺叢坐澈蒲團
波浪息心緣穩渡片帆風石蓮由絢爛而歸平淡已
入悟境詩亦沉著余幼時曾見其姊絕命詞十章哀
怨動人今不復記憶矣

無錫女尼三十歲始落髮余昔年過錫山爲顧夫人
招游永興庵見其地遠塵氛器血精潔老尼肅客入
有徒侍蓮年二十餘丰神秀美吐屬輕靈知余善詩
出白畫墨蘭箋乞題余卽口占二絕云藐姑仙子玉
無瑕第二泉香爲煮茶從此扁舟歸去後最難忘處
是蓮花空谷無人亦自芳綵毫也解寫瀟湘茫茫塵
海原難駐弱水神仙別有鄉侍蓮持扇吟誦喜形於
色告余前永興庵有老尼明修善鼓琴能詠詩同往
訪之明修爲鼓三弄出詩見示今僅記其塵夢刪除

鶴夢清七字耳

余閱板橋雜記見校書中或負奇節或任俠烈蓮出
淤泥亦復不少如嘉興柳如是號薜蘿一號河東
君錢牧齋尙書謙益側室初隸樂籍本姓楊柳其寓
姓也性機警而志豪宕有俠烈風順治乙酉力勸尙
書死難不從乃自奮身投池水中急救得甦後遇家
難遂自經而殉游西湖云垂楊小院繡簾東鶯閣殘
枝蝶趁風最是西冷寒食路桃花得氣美人中薜蘿
能以晚節自蓋力護孤雛其識見高於尙書遠矣

上元徐橫波

婦

本姓顧字眉生龔芝澹尚書鼎孳側

室著有柳花閣集初隸秦淮樂籍工畫蘭竹歸龔後
尊爲亞妻改今姓其元配董氏高尙不入京曰吾已
受前明封現在尙書當得封典讓顧氏可也橫波遂
受封海月樓坐雨云香生簾幙雨絲微黃葉爲鄰莫
卷衣粉院藤蘿秋響合朱欄楊柳月痕稀寒花晚瘦
人相似石磴涼生雁不飛自愛林中成小隱松風一
榻閉高扉

上元卞玉京

賽

工琴善書精寫蘭間作山水小幅喜

著女子像款署畫中人初隸樂籍後歸良醫鄭保御
築別館自居持戒律甚嚴自號玉京道人刺舌血書
法華經以報保御卒葬惠山祇陀庵錦樹林題自畫
小幅云沙鷗同住水雲鄉不記荷花幾度香頗怪麻
姑太多事猶知人世有滄桑

如皐董小宛自號青蓮女史徵士冒巢民喪側室初
隸樂籍天姿巧惠針神曲聖食譜茶經莫不精曉少
長慕吳門山水徙居半塘詠詩工琴杜門謝客尋歸
巢民居蠶月樓鑒賞鼎彝書畫曾裒集古今閨幃軼

事爲奩豔綠窗偶成云病眼看花愁思深幽窗獨坐
弄瑤琴黃鵬亦似知人意柳外時時送好音巢民又
有侍兒蔡女羅舍生而胎素工畫大幅山水又有金
圓玉明工畫花卉嘗作貼辦梅花便面先寫枝梗後
以落梅瓣粘貼巧思慧想出人意外又有吳湘逸扣
姿性敏慧好讀書文選杜詩一二徧卽能覆誦年十
九天

長洲衛紺雪

融香

韋子甫側室子甫歿融香雉經以

殉午日云強向庭闈聚尊前醉碧觴心隨人共遠愁

與日俱長燕引雛歸幙榴含子笑房寸衷多恨事蘭
芷弔瀟湘代州蔡小秋聞一等子趙宏燮側室送別
云今夜蕭蕭一陣霜明朝馬上看黃葉二人皆隸樂
籍委身知己矢志不移一以死殉一以生從皆可嘉
也

長安湘雲者中書關敏側室遺其姓父本諸生流落
風塵委身於關關歿杜門守志二十餘年乃終感懷
云塗朱暈碧寫春光弄草拈花盆自傷蠹下焦桐檣
際竹人間那有蔡中郎咏此詩似未從關時作也

長洲陳蕙芳蔡天石側室工詩善畫早寡賦十孤以
見志序云嘗紅鸞之牒未滿三年歌黃鵠之詞尙餘
一死爰賦詩以見志聊假物以抒懷茹藥飲冰竊自
附柏舟之作拈毫弄墨豈敢誇柳絮之才孤月云幾
許輕涼透素襟月明庭院夜初深人間莫歎嫦娥寡
一片清光照古今孤竹云歷盡冰霜節不磨淚痕多
少染湘娥一竿截作高樓笛吹徹陶家黃鵠歌
吾鄉計梅檀雪香知府黃圖珖側室有梅檀遺稿水
閣夜吟云坐久雲遙起眠遲月正來又有漢陽徐琇

瑤草

如蘂

主事張淑珽側室詩字皆大婦江叔貞蘭

所授和淑貞夫人韻云竹籠秋收果燈窗夜覆棋鳥

聲穿樹去山色上樓多長興沈虹屏諸生陸烜側室

著有春雨集春草云南陌踏來香印屨東風吹去綠

侵衣又有吾鄉楊倩玉

琇

秋感云連雲城郭青山起

傍水樓臺碧樹圍長洲袁蝶仙曉起云鵲占巢爭樹

蜂馱蕊開筇陳彩霞

絳綃

秋草云故國魂銷吳苑晚

行人腸斷越溪烟皆有娟秀之致

江都盧爭香

元素

錢東側室題虎山尋夢圖山徑依

然是重尋點展苦相看圖畫裏不見美人來一夢何
時醒三生只自猜泠泠劍池水嗚咽繞山隈爭香與
駱佩香唱和甚得人有女盧駱之目

雲南王玉如孫春巖廡訪側室春陰絕句云東皇愛
惜牡丹深費盡量晴較雨心雨恐太寒晴太暖爲花
連日作春陰委宛有情慧心人語

長洲張藕香

繡珠

諸生詹聲山振甲側室誓有繡餘

吟稿阻風新安江云清溪洞口水溶溶水底照見梅
花峯梅花峯高幾千尺怪石爲骨雲爲容藕香早歿

婺源黃荔薌

儼祥

哭之以詩并題繡餘吟稿云太華

峯頭玉一枝當年移種向瑤池聯珠易綰同心結獨
繭難抽續命絲浣去香泥消豔福嚼來冰雪漱清詞
爲郎辛苦留芳實寄語蓮房好護持荔薌爲簷湘亭
大令應甲室嫡庶皆工吟詠閨門之內倡和爲樂又
有閩縣邱荷香崑珠黃州張蓮香崑珠先後爲聲山
側室荷香藕香相繼而歿聲山乃合蓮香詩編爲三
生堂稿荷香與蘭田女史評畫云要把詩家比畫家
豈容俗手強塗鴉別開生面如抽繭便學時眉不障

紗意在筆先胸有竹韻流紙上眼無花從知此事須
書卷妙訣尤難出齒牙蓮香黃州放舡云鶴影蕭蕭
萬古留只攜二客過黃州坡仙不載朝雲去如此江
山負壯游詩筆皆佳

淮陰蘇佩香囊

穆

周介存進士保緒側室著有貯素

樓詞筆亦輕清虞美人云卷簾不負嬋娟約眼色連
高閣柳塘還送晚風寒斜曳繡羅雙袖獨憑闌沉吟
不見歸來燕何處尋芳甸年年此日總花開底事而
今祇遺暗香來前調云昨宵風雨連烟暮花落猶疑

誤今朝眞箇逐東流何處殘香徧入小樓頭天涯消
息憑誰問問也無憑準含愁把酒待黃昏雙燕歸來
知我共銷魂雨中花冬至後二日見月寄王潤如袁
柔吉兩夫人云小院深沉留鶴影聽殘漏畫樓人靜
梅蕊橫窗雁聲迴浦記取年時景試問新來誰對詠
料白燕參差難並玉闕高寒變涼情味夢喚梨雲醒
南歌子云細雨宵潛溼青桐葉半凋臨池弱柳萬千
條繫慣離情繫不住魂銷喚起重闌醉誰家弄玉簫
秋聲怕問廣陵潮吹入秋心吹不展芭蕉蘇幙遮寄

贈黃耕晚夫人謝惠墨蘭云寫幽蘭香不斷試問何
人替得東風怨素手織毫千萬轉一幅冰綃九曲湘
波遠凭朱闌抬望眼繡閣簾垂細裊沉香篆見說春
歸將一半寄與春雲擬托雙飛燕

吳門葛玉貞

秀英

秦澹園諸生

鑒

側室母夢吞梅花

而生幼時有老尼見之驚曰此青元宮道貞女也勸
其出家父母不許及長適秦才二年而卒年僅十九
秦爲其刻澹雲樓詩稿春夜云碧羅衫子怯春寒花
向閒階帶月看我與嫦娥原約定不教孤負好闌干

又有句云人間盡是埋憂地除却蓬萊莫寄身則其
小謫紅塵亦非虛語詞如減字木蘭花詠楊花云楊
柳如許攪碎春魂飄泊去風約萍開一半相逢在水
涯漫天飛舞簾外斜陽粘忽住咏絮無才孤負東風
爲送來

吳縣姚雲卿

秀英

巡撫謝啟昆側室詩極輕俊清江

卽事云碧雲暮合美人來官舫銀燈驛路開底事多
愁兼善病探春懶上禹王臺

卧園詩話載商邱馬牧集題壁詩云深閨別母賦新

詩最苦燈殘夢醒時此日江南楊柳綠一絲楊柳一
相思末署芝仙閣女史又云襄陽厲以石廣文琢玉
見邯鄲題壁有云大風鎮日捲黃埃口吻何曾得暫
閒記得午窗剛翾繡一聲鸚鵡喚茶來末署臨安秋
卿女史二人詩筆妍秀能寫客途之苦不知何許人
也

余幼在江西見菰城莊瑞紅女史詩鈔並自序一則
有寂寞椿萱十載愴懷霜露敷榮棠棣一朝望斷關
山上滕王之閣徒怨朝雲登庾亮之樓常悲秋月于

重廬嶸疊寒愁九派長江難流宿恨綺窗春盡銷
殘蛺蝶之魂繡閣燈寒啼破杜鵑之血天乎難問曾
翻舊案於前人酒也曾澆更結新愁於今日爰吟斷
句泣盡還歌用賦幽懷慷慨當以慨嗟乎花原善恨生
成薄命之妝蟲本可憐都是斷腸之語敢謂素毫寫
怨他年籠我碧紗庶幾白雪廣詞此日悲余紅粉詩
如由來薄命數紅顏獨自凭闌淚欲揩太息浮雲真
似我隨風飛到豫章山流離不獨怨伶仃回首椿萱
涕泗零苦憶白蘋洲上塚年年故鬼哭冬青小妹盈

盈髮未髻曾教刺繡伴鍼樓去年接得泥金帖夫婿
東方居上頭鄉思曾登庾亮樓大江九派接洪流不
知何路江南去直到吳興雪水頭曾編舊事論前人
每爲文君感慨頻若使相如終薄倖當爐應是悔輕
身高高星月燦如銀寂寂樓東夜向晨一斛珍珠猶
記得明皇原是有情人新歌豔舞奏霓裳親賜華清
第二湯豈是六宮無粉黛輸他一笑惑君王深鎖長
門幾度秋全憑文字達離憂妾今縱有千金贈誰賦
騎人一段愁迢迢沉速夜焚香幽恨難平訴法王不

把黃金酬畫士漢官畢竟誤王嬙扁舟一葉泛潯陽
五老峰頂望渺茫大抵詩人憐寂寞小姑偏許嫁彭
郎余讀之不勝悽惻愛其才之幽豔悲其遇之坎坷
徧訪其人卒無知者

又有陳若蘭者感懷云瘦削吟肩倚碧紗深閨月冷
暮雲遮春風料峭吹裙帶落盡櫓前一陣花江潭水
碧淨如磨兩岸芙蓉豔綠波花下愁人江上影不知
若箇淚痕多詩共六章名鸞絲集亦在江右時見若
蘭本儒家女早失怙家甚貧母女斃斃後遇安義溪

生鳳來願從以終凌以有室格家範不許遂悲鬱死
凡仙多才女降臨尤西堂木瀆姬傳云仙姬自稱慈
雲侍者降凡敘生平云武林人娟娟姚氏年十五爲
某太守妾雜置下陳中羣妬其能誣以他罪遂羅售
華山破雪仙師憐其冤死救以真訣遂隸仙籍今主
木瀆爲水神降壇詩云經年憔悴到梅花木瀆寒風
石徑斜記得相思明月下爐煙縹緲認兒家有欲爲
姬寫照者問其結束簪云深衣幅巾手拈竹枝蓋道
裝也詩亦縹緲無塵

西清散記載白羅仙子阮生生降乩賦詩九章錄大
云吹笙夜至碧蘇庵沈珮還臨玉女潭家在天渾
似繭滿懷絲緒學春蠶銅官山色翠重重蝦虎城邊
第五峰洞裏三千花姊妹娉婷都道不如儂珠爲簾
幌乙爲房藥得秦樓鎖鳳皇夜半方諸清有淚太湖
千里月如霜芍藥無情自有心鬱金宮殿碧沉沉瑤
池昨夜陪玉母乞得飛瓊軟玉簪琳瑯自剪白鮫綃
月下穿來色更嬌曾在青蓮花上立至今香氣未全
消琴譜新翻十二樓仙家無事也工愁太清夜召彈

神雪

原注神雪
天生琴名

恩賜人間一度游清詞麗句絕無烟

火之氣

又有碧夜仙娥降此和白羅仙子韻云曾向觀音借
小庵木香村外橘花潭春絲已斷秋蛾冷顛倒三生
笑綠蠶補清香債幾千重領得青螺髻子峰金碧滿
天霞瑣碎萬花遮路不知儂亦清絕無塵

又有娟娟仙子唐夢娘者初降此書詞云娟娟到此
正天西寒夜雲白茫茫罩平野月光昏隔水人斷孤
村深巷小黃葉紛紛都卸碧窗香縷淡素粉如霜不

道仙娥便來也。今夕是何年。只記春愁相思字。背人偷爲恐歸去。天風不勝寒。但醉我瓊漿一杯多。謝問所居又爲詞云。水斜山仄處。有寒花三朶。美人家住夢醒霜天。又坐銷燈影。亂愁無措。碧海雲紅。只自把疎星遙數。夜永和年。煙淡江南雨。橫風豎。猶記江梅仙渚。戲撻碎芳心。剖開嬌蕊。小謫人間。被黃鸝時罵。恨纏芳樹。解釋東風。只有鳳凰爲主。待雙歸明月深。深細語。夢娘自言。宋時人家。本官齋。困亂流散。爲商人劉某妾。遭嫡姑悍。與鄰女蟾娘善。曾爲詞三百首。

名曰懺紅蟾娘和者八十首劉死不食亡生時戒殺
死後歸月宮爲侍史蓋爲薄命佳人已三世矣皆貞
潔好生上帝憐之遂列仙籍問仙子懺紅詞可得聞
乎乃書四章奉詞云青青染就垂楊綠東皇漸回鶻
輦綠意嫌乾紅情怨溼誰與陰晴雙便閒時怕剪鬢
忙裏工夫繞花千徧蝶粉羞沾軟遮輕護夜深淺春
前春後暗數幾時曾爲我雨惡風善小睡和衣微餐
咽淚靜鎖秋千庭院殘紅自撚問枝上芳魂可能重
現花債三千恐來生未免夏詞云萱解忘憂榴思孕

子正是單衫天氣慊慊送春歸未遠已嘗透南薰滋
味小闌干綠影低垂有幾件花事關心還記從雲鬢
生香冰肌無汗早晚蘭湯梳洗欲寫新愁嫌素紙好
題在荷花楷書精細江妃恨鴛鴦知道嫦娥恨蟾蜍
解未但多情一點流螢悄飛上裙紗扇兒驚起便萊
莉裝釵琅玕製簾也只黃金虛費秋詞云蓮衣褪秋
水猶泛餘香留不住燕辭梁萋萋芳草碧雲暮小樓
紅退斜陽西風愛吹瘦影賴梧桐當却苦爲蕭娘紗
衾自裏夜涼多添覆羅裳還是桂花珍重含蕊待仙

耶賭費商量腸斷海棠開早嬌紅帶雨低傍銀牕無
言有淚低蛛絲鎖盡淒涼向疎蛩聲裏閒將舊夢細
細重詳冬詞云雪意殷勤又漸近梅花要費傷春繡
幃香暖時換殘薰待兒更勸金樽正夜長無夢也知
我生怕黃昏掩重門任同雲漠漠飛絮紛紛誰禁者
番淒楚想付與紅顏便算天恩忍病羞言逢歡強笑
翠蛾未敢輕顰待南枝開後將心事暗訴花神定消
魂是多愁多病原在佳人娟娟諸詞蘭思蕙怨情勝
於詞讀之令人悒悒寡歡

又有蕭紅者降時嫌乩重不潔賦詩云香絲欲斷沙
牽衣認是君家恐尙非月榭語生鸚鵡瘦雪屏春暖
牡丹肥花孫自媚何須笑鳳子初嬌未肯飛薄命三
千輕被謫有情無怨玉人稀言夢娘乃梅花之神居
任西湖有牡丹公主主人者夢娘畏之明日潔乩再語
越三日復至曰百花皆有神掌之有香豔者神皆美
女無香豔者男子所司也西王母以江南梅花三萬
樹封夢娘世人愛梅者少花數半闕負花稅自備於
牡丹公主家凡花皆有稅而牡丹獨富貴花神乏饋

者每貸於公主也又言牡丹公主配柳絮郎君郎君
性顛貌穢善阻啼不曉文字公主顧憐愛之間公主
才容若何曰雙美越日牡丹公主至因拜請曰蕭姬
盛言公主天香國色冠絕天人事柳絮郎備極貞婉
懇賜仙章自陳所以待夫者爲人間婦訓可乎卽云
妾本姬山怨女娥里仙人粉色難秋鏡光易曉偶嫌
孤月暫憶雙星慧舌如鶯未嘗輕語明眸似鳳不敢
斜窺啼時別有纏綿愁處徧多窮窈海棠慘枕瓊腮
碎印胭脂柳絮沾琴織指亂揮香雪珠簾且控却防

蝴蝶偷來銀漢雖攔又放蟾蜍逃去漫撚離青之管
點破霞心輕旋退綠之丸磨平日角賒取西湖作稿
潛於詩裏尋詩借將東嶺爲屏暗向畫中描畫人間
芳草誤絆仙郎天上靈榆強催神女沉沉百夜冉冉
千年照秋水以含情柔波自定昵朝霞而結夢朝雨
非淫餌蜜蜂衙詎解三生之苦縲絲蠶室徒榮萬丈
之愁繡佛龕前願刺冰肌書貝葉美人林下好盛清
淚灑梅花海霞凋盡扶桑湘雪壓低斑竹藕心有節
不嫌紫沼生泥松性懷貞已誓丹邱化石文甚長節

錄數聯以見一斑西清散記爲進士史震林著

西令仙詠載柳慧珠不知何許人嘉慶庚申齊梅麓
先生在金陵同人輯此壇詩數卷將付梓請仙序之
柳慧珠降壇筆不停機文不加點序云春蠶縱死甯
無未盡之絲秋樹將枯尙有能鳴之葉况乎玉樓催
促學士英年金谷飄零佳人薄命恨綿綿其無已魂
恍恍而外淫無如碧落難通黃泉易隔遂使王郎佳
句唱徧秋墳屈子離騷咽殘湘水珠沉淵而有淚花
落地以無聲千古寸心寂焉滅矣所以多情佛子發

無限慈悲好事神仙作絕大遊戲欲證盟於今古爰
撮合夫幽明返魂之香一燒補天之石重煉珠璣錯
落滿盤皆夢篆之沙錦繡繽紛寸木卽生花之筆於
是花間月下酒半茶初偶有遐思遂成幽契燕斜飛
而似纖月直入以無猜喚出真真書來咄咄於是名
流間彥斜士高僧世有未名之人人有未傳之作咸
得留姓名於身後寄心曲於人間如是我聞得未曾
有且夫菩薩出世月眼難知居士談經塵耳不入故
境緣虛而造實心以幻而生誠我佛於時隨感而至

蓮生舌底禪在指頭一喝而三日耳聾半喝而萬緣
心寂雞園密諦無非覺路金繩驚嶺清辭總是迷津
寶筏神通廣大功德無量弟子默齋聞諸語言皆大
歡喜欲付剞劂以公同人乞序辭不獲命慧珠章臺
弱絮南國天枝歌舞爲生烟花入劫誦白傅琵琶之
什腸斷如絲聆西湖鐘梵之音心枯似木趺坐馬纓
花下長齋燕子樓中得遇慈航脫離苦海嗟乎蠅頭
蠅角著甚匆忙蟲臂鼠肝都非究竟落花爲美人小
影芳草乃斜陽斷魂若求無漏之因莫作有情之劫

觀茲逝者能無慨然是用抽黃配白之詞以爲成佛
生天之證塵心未了無登四大禪床綺語紛來又是
一重公案此序空靈幻邈徘徊芬芳足以開拓心胸
西冷仙詠陳雲伯大令文述著

又見柳依依

盤和

降壇詩云歸去虛空踏月行冰綃

衣重白雲輕三秋曾飲銀河水吐向長江一色清
舊詞六闕有擬剔愁根反長愁枝葉淡月鋪窗亂寫
飛花影夜靜花枝嬌欲睡可憐人醒東風醉水底月
輪冰樣脆柳條敲著連波碎讀此覺才鬼果勝頑仙

依依廣陵人年十八守貞順治乙酉城破被擄不食
七日死

管靜初小鷗波館載凌波仙子降雪間詩云三洲波
平塔影孤九峰寒色冷棲鳥誰將周肪丹青筆寫我
春江探雪圖陳雲伯大令爲寫春江探雪圖靜初題
云彷彿楊林賦洛神凌波羅襪不生塵我來正對春
江雪憶爾春江探雪人

朝鮮爲古箕子之國禮樂文章聞與中華不甚懸殊
閨秀能詩文者亦衆尤西堂外國竹枝詞首稱之

娉公主詩甚清麗送春云韶光春九十別去覺匆匆
宮柳搓深綠園桃散碎紅數番榆莢雨幾陣棟花風
小立增惆悵相期隔歲逢古寺尋花云春深古寺燕
飛飛深院重門客到稀我正尋花花盡落尋花還爲
惜花歸又有許蘭雪 景樊進士金成立室兩狀元詩
筠妹蘭雪七歲能詩工於文翰不見答於金及金死
難乃爲女冠守志以終詩極雄健次伯兄高原望高
臺韻云層臺一柱厯嵯峨西北浮雲接塞多鐵峽霸
圖龍已去穆陵秋色雁初過山迴大陸吞三郡水割

平原納九河萬里登臨日將暮醉憑青嶂獨悲歌遊
仙詞云瓊樹扶疎露氣濃月侵簾空影玲瓏閒催白
兔敲靈藥滿日天香玉屑紅閒解青囊讀素書露風
吹月桂花疎西如小女春無事笑倩飛瓊唱步虛昔
余在宋曾有集中讀其廣寒宮白玉樓上樑文一篇
才華瞻美深爲歎賞又有李淑媛號玉峰山人郡守
逢女學士趙媛側室遭亂死難自適云虛簾淺溜雨
纖纖枕簟輕寒晚漸添花落庭前春睡美呢喃燕子
要開簾秋思云翡翠簾疎不蔽風新涼初透碧紗櫺

涓涓玉露團團月說盡秋情草下蟲又有成氏書懷
次韻云事隨流水遠愁逐曉春生野色開烟綠山光
過雨明簾前雙燕語林外數鶯聲獨坐無多興傷心
妝不成又有海月者俞汝舟室貧女吟云夜久織未
休翼翼鳴寒機機中一疋練終作阿誰衣意亦深婉
又有李天香桂生號梅窗工詩善琴縣吏湯從女有
梅窗集年三十八卒雨後云雨後涼生玉簟秋一痕
斜月隱樓頭洞房中夜寒蛩響擣盡中腸萬斛愁贈
別云一笑相逢處東風攬物華綠垂池畔柳紅綻檻

前花孤鶴歸長浦殘鴉落晚沙臨盃還脉脉明日各天涯

又有賈蠡雲

瓊花

自號風絮亭居士著有風絮亭小

稿蠡雲姿性溫柔冰雪聰明工詩善畫蘭冬夜偶成
云竹外闌干出字疎月移梅影夜何如深深紙閣蘆
簾閉紅硯青燈細校書秋海棠云淡抹斜陽小院東
一叢嬌豔對西風回頭暗記相思地別淚曾彈點點
紅佳句五言如花韻晴滿屋書香時襲人簾膩紅蕉
雨衫涼碧藕風七言如十里鶯花春似海一船書鼓

夜如年抵死難銷書畫癖謀生不解米鹽愁蟬髻倩
簪花第一蛾眉自掃月初三紅杏深藏漁舍小青帘
斜出酒樓高妍麗工雅渺焉寡儔

跋

沈湘佩夫人采

本朝閨秀詩詞作詩話十二卷甚盛事也而余亡女敦
道零章斷句亦被采錄其山陽感舊之意乎敦慈生
數齡卽好弄余筆墨余以其女也不甚教之稍長隨
余京邸輒繙閱架上書而心知其意熟於史余暇卽
呼與議論以爲樂道光丁酉 湘佩自西泠來京師
敦薰聞其才而訪之讀其詩遂有意於詩究未能工
也使其早獲從 湘佩游必有可觀者使不夭折久

從 湘佩游亦必有進於此者乃不幸賈志以沒僅
遺此斷章零句其可悲矣夫而猶幸識 湘佩采其
零章斷句俾與海內閨秀並列其可感矣夫

道光丙午仲春下浣秋門陳光亨跋